

# REMITIDO

# E compra di ELMAR

Sr. Redactor; Un par di siman pasa mi por a lesa den bo matutino cu Gobierno ta cla pa compra Elmar na September venidero.

Gobierno a trece varios motibo pa hustifica e compra.

Entre otro e prijs ta favorable,

elmar lo yuda cubri deficit di WEB., Gobierno anterior a cuminsa cu e compra etc. etc.

Tambe mi por a lesa varios opinion di lectoran encuanto e compra aki.

Manera cu no por hustifica e compra pa salba WEB di su per-

dida, otro a menciona cu e empresa lo sirbi pa hunga politiek.

Pero segun mi opinion; E motibo real pa compra di Elmar ta nada mas y nada menos, cu locual e ultimo director di WEB

a trece den noticia promer cu el a retira.

Den cual el a trece padilanti: Cu e afamado contract entre Coastal y Gobierno lo hiba WEB como 10 aña atras.

Debi cu den e contract ta para cu Coastal lo suministra WEB

cu coriente pa 15 aña, pero na un prijs cu ta tres cent mas halto pa kilowatt cu e prijs cu WEB ta entrega na Elmar.

Segun e director e tres cent ta mustra masha poco pero e lapso di 15 aña ta bira un suma asina grandi cu WEB lo por a compra un planta nobo cu e suma aki.

Awor cuesta loque cuesta mester compra Elmar pa trata na sali for di e perdida aki.

pasobra e prijs cu pueblo ta paga pa coriente ta basta halto caba.

pasobra actualmente nos ta paga 23,1745 cent pa kilowatt.

Segun Elmar e prijs ta 12,5 cent pa kilowatt.

Pero ariba cada kilowatt tin cu paga e afamado brandstofclausule na razon di 10,6745 cent.

Pues e prijs real cu mester paga ta keda 23,1745 cent pa kilowatt.

Cual segun mi opinion ta demasado halto pa un isla manera Aruba.

Sr. redactor, mi opinion ta: Cu mester compra Elmar pa asina Gobierno trata na sconde e perdida grandi cu lo cuminsa na September ora cu Coastal ta cuminsa entrega coriente na WEB.

## Loke nos pueblo kier o mester sa

Pa Lord Cobashi



Awe mi kier papia di e ultimo 38 cas nan, cu lo worde construi, cuminzando na Juli, segun nos Hoben Dinamico Promer Ministro, durante e persconferencia na e Paranda Room, na Surfside dia 29 di Mei 1990, cu Minister Hirisch Ballin, Gevolmachtigde Minister Roland lacle, y e conseho di Ministro di Aruba.

Mi kier duna mi opinion o mi sugerencia tocante di e ultimo 38 cas nan.

Mi pueblo stima mi no kier pa ningun hende kere cu mi ta critica nos Gobierno o esun anterior djis pasmaak. Mi critica constructivo ta solamente pa e progreso di nos dushi pais Aruba, wel no tuma mi na malo.

Boso por ripara cu pa via di mi critica constructivo den mi articulo nan boso ta mirando algun cambio.

E tin hopi pa bini ainda o drecha.

Hopi hende ta bisa mi cu nan ta mata mi.

Si nan kier mata mi, mi no ta worry, pasobra worde mata pa un causa, cual ta defendiendo e homber pover di nos dushi Aruba.

Mi a keiru hopi y te ainda no tin un lugar manera nos dushi pais Aruba.

Nos no sa kico nos tin, pakico awor nos mester laga politiek dañe????

Waak con politiek a daña casi tur e otro paisnan rond di nos.

Ora bini cambio, e no ta pa ami so, e lo ta pa nos tur, hasta e rico nan, wel si mi worde mata pa e berdad, e no ta nada, mata mi numa.

Hesus Christo a worde mata haciendo bon y e berdad.

1) Mi sugerencia ta esaki, e prome set di cas nan ta gespart tur caminda den Village, sin caya nan drechi por ehempel, si un candela pisa mester sosode, e lo ta masha difcil pa truck di candela manuvria, pa via di e situacion di algun cas nan cu no tin caya.

E cas nan ta tur ariba otro.

mi ta compronde cu e tereno unda e casnan di Madiki, Noord, y tarabana y Esso Heights tabata, tabata mondi, y pa esey e ingeniero nan por a haci un mehor layout pa traha e caya nan.

Den e Village bo mester a kibra e cas promer, despues reconstrui, esey mi ta kere a haci e diferencia.

Wel mi ta spera cu e Ingeniero nan lo haci un mihor layout plan pa e cayanan pa e ultimo 38 casnan cu mester worde construi pronto.

Nos ta spera cu pronto tur e caya nan di village lo worde asfalt.

Mi tin un ruman arubiano, en otro palabra naci aki na Aruba, bibando na Hulanda pa 25 aña, y e no por a kere cu e ta tin asina tanto cas deplorable den e Village ainda.

E tabata e gran cantante Spookey, cu tin disco di oro y Platinum, e tabata canta cu Sue den e grupo Swingin Soul Machine di hulanda.

Sue ta bay actua dia 24 anochi, e mesun anochi cu e gran artista Internacional Oscar de Leon.

E number di e grupo nobo ta: Sue Chaloner's Soul train.

E manager di e grupo a pasa tur caminda rond Aruba caba, el a papia di e botter nan berde tira tur caminda rond nos dushi pais, especialmente banda di nos caminda principal for di Playa pa San Nicolas.

Di berdad e ta rediculo, un vista masha mahos pa turismo.

ta tempo pa algo mester worde haci, tocante di esey, e no por sigui asina.

Si Gobierno no kier paga algun hende pa controla esun nan cu ta haciendo esey u susha Aruba, laga algun di e prisioneronan piki tur e botterman na ambos banda di caya nan, o manera mi a sugeri biaha pasa, haci control den autonnan priva, cu no ta dienst auto.

Diferente chofer di taxi a papia cu mi, tocante di e sushedad, pasobra e turistanan ta papaindo masha di dje.

E tin choferman cu a bisa mi cu e tin cierto camindanan, cu nan ta pasa mes pa no pasa berguensa.

Cordea bon e hendenan ta saca potret, y nan ta bay bek cu nan na nan tera, y kende su number ta worde daña o mancha????

E number di nos dushi pais Aruba.

ban haci algo promer cu e ta mucho laat???? Mi ruman Spookey conoce Promer Minister Lubbers. Ex minister De Koning, Minister Hirisch Ballin y Sr. Frits palm di Kabnaa, personalmente.

Bo ta kere si nan mester mira e potret nan di e cas nan horibel den Village y deferente partinan di Aruba, nan lo sinti bon, ki sorto di propaganda esey lo ta pa Aruba????

E manager di e grupo a bisa mi cu e a mira hopi armoedem kier meen probresa, Mi mester a splikele cu e no ta probresa, pasobra si e mester drenta den algun di e mesun cas nan deplorable ey, e lo kere pasobra tin hende cu television di color, frigidaire, wash-machine etc.

E tin cu hasta tin dos television.

Mi a splikele cu tin hende cu no kier muda di nan barrio unda nan a biba pa tanto aña o tur nan bida, ta esey mi ta bringando pa nos Gobierno caba e proyecto di Village, pa tur e porkeria nan ey desaparece.

2) Te ainda mi no por compronde di con nan ta bay construi e ultimo 38 casnan na Juli otro luna, y e oficina di FCCA, ta muda pa Tarabana banda di e oficina di FCCA???

Mi kier sa unda nos representante nan a keda????

Nos ministro di turismo cu ta biba na San Nicolas, nos hoben dinamico representante di Staten, y nos director di FCCA, cual tambe ta biba na San Nicolas????

pakico nan no ta splica nos pueblo di San Nicolas e motibo di e mudamento aunque boso ta gaña nos.

E tin corant, television y radio, bisa nos algo????

Cordea bon cu pronto lo tin eleccion atrobe y ta cerca e mesun hende nan boso lo bin predica atrobe.

E hendenan di San Nicolas kier sa di nos representantenan di Staten Sr. benny Nisbet, kico a para di e drechamento di e cayanan di San Nicolas, cual a worde primiti siceramente durante campaña y eleccion????

Por ehempel Louis de Coligne straat etc.????

Nan no kier meen cu tera nan kier meen raspa e asfalta??? Mi ta spera cu Diadomingo na Radio Antillana bo por bisa nos Pueblo algo pasobra ann lo scucha.

Nos kier scucha algo di e mudamento di e oficina di FCCA???

E hendenan di San Nicolas y Aruba en general no por kere cu nos tin discriminacion aki na nos dushi Pais Aruba????

3) Por ultimo mi kier pidi Serlimar por fabor kap e palo cu ta den e caya pazuid di John Wesley College na Mgr Niewindtstraat cual ta sumamente peligroso pa nos trafico, dos auto no por pasa mes ora, un mester para pa e otro pasa.

Por fabor evita un accidente o un morto fatal????

Danki y te otro siman Diabierna. No lubida scucha Radio Caruso

Booi tur Diadomingo for di 12.30 te cu 1'or.

**Father's Day**

**B/O/S**

MONTHLY SPECIAL

**15% OFF**

REAMERS  
ROD SAWS  
GALV. PIPE  
COPPER PIPE  
WOLM. LUMBER  
ROOF VENTILATORS  
EXTERIOR PLYWOOD  
- POWER AND -  
STATIONARY TOOLS  
"AMERICAN STANDARD"  
BATHROOM FIXTURES  
AND FITTINGS  
WHEELBARROWS  
GARDEN TOOLS  
PVC CUTTERS &  
ACCESSORIES  
HARDBOARD  
FORMICA  
LAMINATE  
& MUCH  
MORE

**BRENCHIE'S**  
O'STAD, DAKOTA, SAN NICOLAS